

ზუგდიდის მუნიციპალიტეტის მერს
ბატონ მამუკა წოწერას ახალგაზრდული
სათათბიროს თავმჯდომარის
ილიარიონ ფიფიას +995 557 72 04 53
პ/ნ 62009004698
ს/კ 420000091

გ ა ნ ც ხ ა დ ე ბ ა

ბატონო მამუკა,

ახალგაზრდული სათათბირო არის ახალგაზრდების ნებაყოფლობითი გაერთინება, რომელიც მოქმედებს წესდების შესაბამისად და ემსახურება ახალგაზრდების პრობლემების მოგვარებას და მათი განვითარების ხელშეწყობას ზუგდიდის მუნიციპალიტეტის მასშტაბით.

ახალგაზრდული სათათბიროს მიზანია ახალგაზრდების განვითარება და მათი გააქტიურება გადაწყვეტილების მიღების პროცესში. ასევე, ახალგაზრდების ფიზიკური, გონებრივი, სულიერი განვითარების ხელშეწყობა;

2022 წლის 18 ივნისს ახალგაზრდულმა სათათბირომ ზუგდიდის მუნიციპალიტეტის მერიასთან თანამშრომლობით ზუგდიდის ახალგაზრდული ფორუმი 2022 გამართა. ფორუმმა იმერეთისა და სამეგრელო-ზემო სვანეთის რეგიონებიდან 150-ზე მეტი ახალგაზრდა შეკრიბა. ფორუმს დაესწრნენ ახალგაზრდები საქართველოს ოკუპირებული ტერიტორიიდანაც, მათ რეგიონში არსებული აქტუალური საკითხები განეხილეს.

ფორუმის მთავარი მიზანი რეგიონულ დონეზე ახალგაზრდების ინტერესებისა და საჭიროებების გამოკვეთა, მათი მოგვარების გზების მოძიება და ადვოკატირების პროცესების ხელშეწყობა.

სწორედ ამ მიზნით, ფორუმი ითვალისწინებდა მცირე სამუშაო ჯგუფებში მუშაობას, რეგიონში არსებული პრობლემების იდენტიფიკაციის და შესაბამისი რეკომენდაციების შემუშავებისთვის.

სამუშაო ჯგუფები განაწილები იყო შემდეგი თემების მიხედვით:

- ახალგაზრდების როლი გადაწყვეტილების მიღების პროცესში;
- ახალგაზრდული სერვისების არსებობა/არასებობა-ხელმისაწვდომობა და ინფორმაციებზე ხელმისაწვდომობა;
- ახალგაზრდული ინტერესები და საჭიროებები თემში;
- ახალგაზრდული ორგანიზაციების როლი ახალგაზრდების მონაწილეობის და მათი კომპეტენციების განვითარების პროცესში;
- ადგილობრივი თვითმმართველობის როლი ახალგაზრდების მხარდაჭერაში;

ჯგუფების მიერ შემუშავებული რეკომენდაციები იხ. დანართი #1

გთხოვთ, ახალგაზრდული სათათბიროს და ფორუმში მონაწილე ახალგაზრდების მიერ შემუშავებული რეკომენდაციები განიხილოთ და გაითვალისწინოთ 2023-2027 წლის მუნიციპალური ახალგაზრდული პოლიტიკის დოკუმენტის შექმნის პროცესში.

ახალგაზრდებმა აღნიშნული რეკომენდაციებიდან პრიორიტეტი მიანიჭეს 5 რეკომენდაციას იხ. დანართი #2. გთხოვთ, ეს რეკომენდაციები გაითვალსიწინოთ 2023 წლის სამოქმედო გეგმაში.

ასევე, გთხოვთ უზრუნველყოთ გამოგზავნილი რეკომენდაციების მიწოდება ფორუმში მონაწილე სხვა მუნიციპალიტეტებისთვის.

თარიღი: 26/10/2022



ახალგაზრდული სათათბიროს და ახალგაზრდულ ფორუმში მონაწილე
ახალგაზრდების მიერ შემუშავებული რეკომენდაციები:

სამუშაო ჯგუფების თემები:

- #1 ახალგაზრდების როლი გადაწყვეტილების მიღების პროცესში;
- #2 ახალგაზრდული სერვისების არსებობა/არარსებობა-ხელმისაწვდომობა და ინფორმაციებზე ხელმისაწვდომობა;
- #3 ახალგაზრდული ინტერესები და საჭიროებები თემში;
- #4 ახალგაზრდული ორგანიზაციების როლი ახალგაზრდების მონაწილეობის და მათი კომპეტენციების განვითარების პროცესში;
- #5 ადგილობრივი თვითმმართველობის როლი ახალგაზრდების მხარდაჭერაში;

მიღებული რეკომენდაციები:

- წელიწადში ოთხჯერ საინფორმაციო შეხვედრების ჩატარება არასამთავრობო ორგანიზაციებთან (პროგრამებზე, სერვისებზე ინფორმაციების გაცვლის მიზნით);
- თემატური ფორუმების ჩატარება (დასაქმების, მოხალისეობის, ახალგაზრდული და სხვა);
- ონლაინ პლატფორმის შექმნა (აპლიკაცია, სადაც მუნიციპალიტეტში არსებულ სიახლეებზე, პროგრამებზე, ღონისძიებებზე, სერვისებზე ინფორმაცია იქნება განთავსებული);
- დონორ ორგანიზაციებთან შეხვედრების ორგანიზება და რეგიონის საჭიროებებით დაინტერესების ხელშეწყობა;
- ახალგაზრდული მუშაკების როლის გაძლიერება, დასაქმება და ჩართვა ახალგაზრდულ საქმიანობაში.
- ეკო მეგობრული საწარმოების შექმნა, ნარჩენების გადამამუშავებელი საწარმოები;
- მუნიციპალური ბიუჯეტის დაგეგმვაში ახალგაზრდების ჩართულობის მდგრადი მექანიზმის შემუშავება;
- სამოქმედო გეგმის შემუშავებამდე ახალგაზრდების საჭიროებების და ინტერესების კვლევის ჩატარება;
- კვარტალური შეხვედრები ახალგაზრდებთან, მუნიციპალური ახალგაზრდული მიმართულების სამოქმედო გეგმის შედგენის პროცესში მათი ჩართულობა;

- ახალგაზრდული სივრცეების დაარსება ქალაქსა და სოფლებში;
- მოქნილი სატრანსპორტო გრაფიკის შემუშავება;
- მუნიციპალიტეტების ქალაქებსა და სოფლებში ქუჩის ტრენაჟორების და საბავშვო სივრცეების მოწყობა;
- ახალგაზრდების წამახალისებელი პროგრამები (წლის აქტიური ახალგაზრდები, მოხალისეების პრემია და სხვა);
- ფასიანი სტაჟირების პროგრამების დანერგვა საჯარო სექტორში;
- სკოლების გაძლიერება ინკლუზიური მიმართულებით (კადრების გადამზადება, საჭირო ინვენტარის შეძენა);
- მუნიციპალიტეტების სოფლების ინტერნეტიზაცია/ლობირება ინტერნეტ კომპანიებთან;
- ახალგაზრდულ საქმიანობაში ჩართული პირების ფუნქციების გადანაწილება/ინფორმაციის და ადამიანური რესურსის ხელმისაწვდომობა ახალგაზრდებისთვის;
- ადაპტირებული გარემო შშმ/სსმ პირებისთვის ყველა სექტორში;
- საკონსულტაციო ცენტრი ახალგაზრდებისთვის, ახალგაზრდული მუშაკებით დაკომპლექტებული - ახალგაზრდების იდეების, საჭიროებების იდენტიფიკაციის, მხარდაჭერისა და რეფერირებისთვის.

დანართი #2

2023 წლის სამოქმედო გეგმაში გასათვალისწინებელი პრიორიტეტული რეკომენდაციები:

შემუშავებული რეკომენდაციები:

- კვარტალური საინფორმაციო შეხვედრების ჩატარება ყველა სექტორის მონაწილეობით - საჯარო, კერძო და არასამთავრობო ორგანიზაციები, ახალგაზრდები, რესურსცენტრი და სკოლის წარმომადგენლები.
 - მიზანი: მუნიციპალიტეტში არსებულ ყველა რესურსზე, პროგრამაზე თუ მომსახურებაზე ინფორმაციის გავრცელება/გაზიარება.
 - ხედვა: ახალგაზრდული სათათბირო ზუგდიდის მუნიციპალიტეტის მერიის ახალგაზრდული განყოფილების წარმომადგენლებთან ერთად ორგანიზებას გაუწევს კვარტალურ შეხვედრებს. ინფორმაციას გაავრცელებს და მოიწვევს შესაბამისი უწყების წარმომადგენლებს. მნიშვნელოვანია შეხვედრებზე მერის ან მერიის მოადგილეების დასწრება და მათი მხრიდან მუნიციპალური პროგრამებსა თუ სერვისებზე ინფორმაციის გაზიარება. შეხვედრები ჩატარდება ზუგდიდის მერიის დარბაზში.
- მუნიციპალიტეტში თემატური ფორუმების ჩატარება (დასაქმების, მოხალისეობის, ახალგაზრდული ფორუმები და სხვა);
 - მიზანი: ახალგაზრდების მონაწილეობის გაზრდა, უნარების განვითარება და დასაქმების ხელშეწყობა, მათი ცნობიერების დონის ამაღლება;
 - ხედვა: ახალგაზრდული სათათბირო და ზუგდიდის მუნიციპალიტეტის მერიის ახალგაზრდული განყოფილების წარმომადგენლები წელიწადში სამჯერ ორგანიზებას გაუწევენ თემატურ ფორუმებს, რომელიც ახალგაზრდების პრობლემების და საჭიროებების კვლევაზე იქნება დაფუძნებული. ფორუმებზე მოწვეული იქნებიან შესაბამისი სექტორის წარმომადგენლები, ახალგაზრდული საქმიანობის ექსპერტები, რომლებიც უზრუნველყოფენ ახალგაზრდების მხარდაჭერას სხვადასხვა ფორმით. ფორუმისთვის შეიქმნება საორგანიზაციო ჯგუფი, რომელიც დაკოპლექტდება ზუგდიდში მოქმედი არასამთავრობო ორგანიზაციების წარმომადგენლებისგან, ახალგაზრდული

მუშაკებისგან. ფორუმის პარტიორად შესაძლოა მოვიაროთ სხვა დაინტერესებული სამთავრობო და არასამთავრობო ორგანიზაციები;

- ახალგაზრდების წამახალისებელი პროგრამები (წლის აქტიური ახალგაზრდების დაჯილდოვება, წლის წარმატებული ახალგაზრდა და სხვა)
 - მიზანი: ახალგაზრდების მოტივაციის გაზრდა და მათი მხარდაჭერა.
 - ხედვა: ახალგაზრდული სათათბირო და ზუგდიდის მუნიციპალიტეტის მერიის ახალგაზრდული განყოფილების წარმომადგენლები ერთობლივად შეიმუშავენ ახალგაზრდებისთვის წამახალისებელ პროგრამებს. შემუშავდება კონკურსის პირობები, კრიტერიუმები, რომელსაც სპეციალურად შექმნილი ჟიურის წევრები შეაფასებენ. გამარჯვებული ახალგაზრდები დაჯილდოვდებიან ახალგაზრდული დღეების ფარგლებში დაგეგმილი ღონისძიებების დროს;
- ფასიანი სტაჟირების პროგრამები საჯარო სექტორში;
 - მიზანი: ახალგაზრდების დასაქმებისთვის საჭირო უნარების განვითარება, მათი დასაქმების მხარდაჭერა და ეკონომიკური გაძლიერება.
 - ხედვა: საჯარო სექტორში გამოცხადდეს სტუდენტებისთვის ფასიანი სტაჟირების პროგრამა კონკრეტული ვადით და მოქნილი გრაფიკით, რათა სწავლაში არ შეეშალოთ ხელი. ამით ახალგაზრდებს გავუზრდით მოტივაციას და დავანახებთ რომ საჯარო სექტორი ღიაა ახალგაზრდების მიღებისთვის, მივცემთ სამუშაო გამოცდილებას, რაც მათი კარიერისთვის ძალიან მნიშვნელოვანი მხარაჭერაა, ასევე მათ ექნებათ შესაძლებლობა ნახონ როგორ მუშაობს ესა თუ ის სამსახური.
- ახალგაზრდული მუშაკებით დაკომპლექტებული საკონსულტაციო ცენტრი ახალგაზრდებისთვის;
 - მიზანი: ახალგაზრდების იდეებისა და საჭიროებების იდენტიფიკაცია, მათი მხარდაჭერა და რეფერირება.
 - ხედვა: ახალგაზრდულ სათათბიროში ან ზუგდიდის მუნიციპალიტეტის მერიაში მნიშვნელოვანია შეიქმნას ახალგაზრდული მუშაკებით დაკომპლექტებული საკონსულტაციო ცენტრი. დღეს, ახალგაზრდები ღიად ვერ/არ აფიქსირებენ თავიანთ ინტერესებს თუ საჭიროებებს. ეს ცენტრი საშუალებას მისცემს ნებისმიერ ახალგაზრდას თუ ახალგაზრდებთან მომუშავე ადამიანებს უფასოდ გაიარონ კონსულტაცია, მათთვის სანდო გარემოში ღიად დააფიქსირონ თავიანთი საჭიროებები თუ მოსაზრებები. ახალგაზრდული მუშაკები ანალიზის საფუძველზე გადაამისამართებენ შესაბამის სამსახურთან ან ორგანიზაციასთან. კვარტალურად გაკეთდება შეხვედრების

ანალიზი/კვლევა, რომელიც წარედგინება მერიის შესაბამის სამსახურს,
რომ გათვალისწინებული იქნეს სამოქმედო გეგმაში.